

# Timoti Le Leta Iviva Pol Le Rorori Utu iviva

Timoti ghambae Listra. Pol le vagħiliya theghewoniye e tine, i wa ve vutha Listra amba i vanjwa Timoti na weīye thi longa. (U thuweja Vakatha 16:1-3). Timoti i thalavugha Pol ele vagħiliya thegħewo na thegheto e tinenji. Mbaña Pol i wa Rom na ve roroghagħa le kot kaiwae (Vakatha 28), Timoti vambe i wava gheko na ve thalavugha Pol.

Buk Vakatha ma i woraŋgiya budakaiva va e ghereiye na i yomara, ko iyemaenje ra ghareghare Pol le kotiko va i thovuye na rambarombaro thi rakayathu. E ghereiye Pol i vakatha vagħiliya ghevariniye na i vavagharenja Toto Thovuye. Le vagħiliya ghevariniye e tine, va i wa Krit na Epesas, ko amba muyai i wa Pilipai Masedoniya e tine. Muyai amba i iteta Epesas, Pol i vamidiya Timoti na i njimbukikiya ekelesiya Epesas e tine. Mbaña Pol ina Pilipai Masedoniya ele valivanġa tine, i roriya letake iyake na i variye weya Timoti Epesas e tine.

Letake iyake e tine Pol i dage weya Timoti na i dageteniŋgiya ravavaghare kwanikwan. Ravavaghareko thiyanqo thi mbanda renuwa ja vavana Jiu lenji kururu e tine, na renuwa ja vavana thi mban Grik lenji vavaghare e tine. Thi dageten na għarīghari thava thi għe na thava

thi ghaninqiya ghaniqya vavana, kaiwae e lenji vavaghareko tine i dageten bigibigike wolaghiey iya valikaiwae ra thuwenji na ra vighathi; mbe thari enje. Thinjava ghareghare memethuwele regha ina wenji, na ghareghareko iyako e tine gharighari ne thi vaidiya vamoruwe.

Theghewoniye, letake iyake e tine Pol i government ambwara weya Timoti ekelesiya ghanjimbukiki kaiwae, ngoriye kururu kaiwae na ekelesiya gharandeviva ghanjituruthi kaiwae. Na reghava Pol i vavurighegħha Timoti kaiwoko Loi i wogiyakowe mbe i vakatha wagiyawē na għathanavu i thovuye ekelesiya regħha na regħha wenji.

<sup>1</sup> Ghino Pol Krais Jisas għaliex għaraghambi. Loi għanda Ravamoru va i tħethiġo, na tembe ngoriyeva Krais Jisas, iye weinda la għare-matuwa ra vareminje.

<sup>2</sup> Ya roriya letake iyake na i għaona e għen, għen Timoti ngorana narunġu moli len l-oñwiegħgħathha kaiwae.

Lo nanġo weya Loi Ramanda na Krais Jisas għanda Giya lenji mwaewo bwagħabwaga na lenji ghareviri e għen, na lenji gharemali li i riyevanjara għarena.

### *Timoti i dageteniqqiya ravavaghare kwanikwan*

<sup>3</sup> Nuwaŋguiya mbowo u yaku Epesas e tine, ngoriyeva va ya dage vavurighegħema e għen mbaña vama ya warewareri Masedoniya kaiwae. Mbowo u yaku vara għena, na għarīgharina

iya thi vavagharenja vavaghare kwanikwana, ghen u dageteningga.

<sup>4</sup> U dage wenji na thava thi vakowana ghanjimbaña e utu bwagabwaga na e riuriu molamolao orumburumbunji utuutuninji, kaiwae gaithi le ghamba yomara iya bigibigi ɳgoranjiyako utuninji. Loi le renuwaña ghinda kaiwanda, renuwaña ɳgoranjiyako ma i thalavuinda, mbe loŋweghathì enge vara e tine ne valikaiwanda ra ghareghare.

<sup>5</sup> Yaña u dageten kaiwae nuwaŋguiya ra gharethovu wenjiya ghandaune, na mbe valikaiwanda enge ra gharethovu thongo gharenda i kakaleva, thongo ra vakatha ɳgoreiya ra ghareghare iyanġaiye i rumwaru, na thongo ra loŋweghathì emunjoru.

<sup>6</sup> Gharigharike thiylake thi roiteta thanavu ɳgoranjiyake, na mbe thi vatomwenji enge e utu bwagabwaga.

<sup>7</sup> Nuwanjiya thi vavagharenja Loi le mbaro, ko iyemaenje bigibigiko iya thi utuŋaŋgiko na thi vavurighegheňa e lenji vavaghareko tine ma thi ghareghareya gharumwaru.

<sup>8</sup> Kaero ra ghareghare Mosese le Mbaro iye thalavu thovuye le ghamba mena thongo ra vakaiwoňa ɳgoreiya gharerenuwaŋjako.

<sup>9</sup> Ko iyemaenje ra renuwaŋjaki, Loi va i vakatha mbaro ma gharighari thovuthovuye kaiwanji ɳgoreiye, ko thavala thi raka na ma thi goru weya mbaro kaiwanji, thavala ma thi loŋweya Loi le mbaro kaiwanji, na thavala ma thi yavwatatawana Loi na ma thi kurukururuwe. Loi va i woraweya mbaro thavala

thi tagavavamarengiya oramanji na otinatinanji,  
ragabo bwagabwaga,

<sup>10</sup> rayathiyathima, ghimoghimoru  
weinjiyangiya lenji valighimoghimoru thi  
vakatha thari, thavala thi lawekavingiya  
gharighari na thi vakunenjangi na thi tabo  
rakakaiwo bwaga, rautu kwanikwaningi,  
na thavala thi tholotholovunyi, na tembe  
ngoreiyeva thavala thi vakatha the thanavu  
ma ngoreiya vavaghare thovuye ghakamwathi.

<sup>11</sup> Vavaghare thovuye i mena Toto Thovuye e  
tine, iya Loi, iye ravwenyevwenye na valikaiwae  
moli ra tarawenja, va i wogiya e ghino na ya  
utuña.

### *Pol i vata ago weya Loi le ghareviri kaiwae*

<sup>12</sup> Ya vata ago weya ghanda Giya Krais Jisas,  
iya i giya vurighegheke e ghino kaiwo kaiwae. Ya  
vata agowe kaiwae i vareminjenjo na i tuthingo  
ya kaiwo amalaghiniye kaiwae,

<sup>13</sup> othembe va ya thambo, ya vakatha viriwe  
na ya utuvathariwe. Ko iyemaenje Loi i  
ghareviri kaiwaŋgu, kaiwae va e mbaŋako iyako  
vamba ma ya lonjweghathì, iya kaiwae mava ya  
ghareghare budakaiya va ya vakavakathawe.

<sup>14</sup> Ghanda Giya le mwaewo bwagabwaga i lingi  
e ghino, na e tine Krais Jisas i lingivanjarango e  
lonjweghathi na e gharethovu.

<sup>15</sup> Utuutuke iyake emunjoru na valikaiwae ra  
lonjweghathì moli: Krais Jisas va i mena e yam-  
baneke na i vamorungiya thari gharavakatha.  
Tharike gharavakatha thiylake e tinenji ghino  
wombereghake thari gharavakatha laghiye moli,

**16** ko iyemaenje Krais Jisas i ghareviri laghiye kaiwanju, kaiwae nuwaiya le għatajaghathiko ghino tharri għaravakatha moli kaiwanju le lagħilagħiye i vagħarengiha għarigharik wolagħiye. Jisas i għatajaghath i na i ghareviri kaiwanju, na ya tabo na ghamba ghaghayawo għarigharik wolagħiye kaiwanji, thavala muyaiko tene thi lojweġħath i na thi vaidiya yawali memegħabananiye.

**17** Kiżi memegħabananiye, iye ma yawaliye ele ghambako, iye ma rathuwathuwa na iye għamberegha moli Loi emunjoru, ra yavwatatawana na ra wovorevorenja mbañake wolagħiye ma ele ghambako. Mbwana. Ngoreiye.

### *Pol i vavurigħegħeja Timoti*

**18** Timoti, naruñgu, Loi għaliex ġej għarautu vavana ekelesiya na e tine vama thi utu ja e għen iyava Loi i utu ja għen kaiwan. E mbañake iyake ya dage e għen na utuutku thiyako u renuwa jekkik, na thi thalavunje na u gaithi wagħiawaye Loi kaiwae.

**19** Mbaña u rogaithi, len lojweġħathina i vurigħegħe na u vakatha ngoreiġa budakai u gharegħare i rumwaru. Ko iyemaenje għandaune vavna bigiko iya thi għaregħare i rumwaru thi botewoyathu na ma thi vakatha, iya kaiwae lenji lojweġħath i njavovo na thi dobu.

**20** Għarighariko thiyako e tinenji, ghimogħimorū thenjighewo Haimeniyas na Aleksanda. Thiye kaero ya viyathunġi weya Seitan na gheko thi wo vuyowae, na thi

ghareghare thava tembe thi utuvathariva weya Loi.

## 2

### *Kururu utuutuniye*

<sup>1</sup> I viva moli wo ya vavurighegheňaňga ghemi ralonjwelonjweghathi, hu naňgo weya Loi gharigharike wolaghiye kaiwanji. Hu naňgo na Loi i thalavunji na hu dage mwaewowe le vakatha kaiwanji.

<sup>2</sup> Hu naňgo kiň na rambarombaroke wolaghiye kaiwanji, mbala lenji mbaro i thovuye, na ghinda weinda ghandathanavu thovuye na ra manabu na la yakuyaku i thovuye e ghambaghambanda.

<sup>3</sup> Naňgo ñgoranjiyako i thovuye kaiwae Loi ghanda Ravamoru i warariňa,

<sup>4</sup> iye nuwaiya gharigharike wolaghiye thi għareghareya toto emunjoru moli na thi vaidiya vamoru.

<sup>5</sup> Kaiwae Loi iye mbe ghambereghaenje, na tembe ñgoreiyeva lolo mbe ghambereghaenje valikaiwae ne i vanquinda għarīgharika wolaghiye ra raka weya Loi, na loloniye iye Krais Jisas,

<sup>6</sup> amalaghiniye va e ghambanja moli e tine i vatomweya yawaliye na i vamoda njogħanġiha għarīghi. Le vatomweko iyako i vagħareında wagħiyawwe Loi nuwaiya għarīgharika wolaghiye thi vaidiya vamoru.

<sup>7</sup> Iya kaiwae Loi va i tuthingo na ya tabo għaliex għaraghambi na ya vavagharenja Toto Thovuye weñgiya thiye ma Jiu għarīghariniye,

na ya vagharengiya lojweghathi emunjoru.  
Iyake ya utu emunjoru, ma ya kwan.

*Wanakau na ghimoghimoru ghanjimbaro ekelesiya e tine*

**8** Ekelesiya taulaghiko e tinenji nuwañguiya ghimoghimoru weinji ghanjithanavu thovuye thi bigivaira nimanimanji na thi nañgo, ko thava weinji enge lenji ghatemuru o wogaithi.

**9** Nuwañguiya wanakau thi njimbukikiya lenji njimbonjimbo, thava thi vaghaghayawoña riwanji, na thava thi ghavatha weinji lenji nemo. Ghanji ghavatha thava verangi e umbalinji ghathuwethuwe, o e nimanji ghae thi vakathañgi e gol, o e ñgile luu o e kwama modae laghiye.

**10** Ko iyemaenje ghanjighavatha i mena e lenji vakatha thovuye e tinenji, kaiwae iyake i thovuye wengiya wanakau thiye thiña thi kururu emunjoru.

**11** Wanakau ghanjithanavu mbe i ghenenja na thi riwouda na thi vandeñe vavaghare na mbala thi ghareghare.

**12** Ghino ma ya vatomwe wengiya wanakau na thi vavaghare wengiya ghimoghimoru o thi mbaro kivwalañgi, mbema weinji enge lenji riwouda.

**13** Lo mbaro ñgoreiya iyako, kaiwae Loi va i vakathakaiya Adam, muyai amba i vakatha Ive.

**14** Na tembe ñgoreiyeva, Adam mava i lojweghathi Seitan le kwaniko, iyemaenje Ive i lojweghathi na i tabona thari gharavakatha.

**15** Bayae Loi iňa wanakau lenji ghambi ne i vuyowo, ko iyemaenje lenji ghambi ne ghambarja e tine Loi ne i njimbukikiňgi na i vamorungi thongo mbaňake wolaghije thi varem-inja Loi, thi gharethovu wengiya ghanjiune, na thongo weinji lenji gharenja na ghanjithanavu i thovuye.

### 3

#### *Ekelesiya gharandeviva utuninji*

**1** Utuutuke iyake i emunjoru: thela thongo nuwaiya i tabo na ekelesiya gharandeviva regha, kaero nuwaiya kaiwo thovuya iyako.

**2** Iya kaiwae ekelesiya gharandeviva ghambaro ñgoreiyake: ghathanavu i thovuye na thava gharighari thi vaidiya ghawonjowe regha, levo mbe eundaenje, tembe ghamberegha vara i dageten e thanavu raraithari, i njimbukikiya ghathanavu, i vavanjamwe, iye ravavaghare thovuye,

**3** thava vata le munumu, thava i gagaithi, ko ghathanavu enge i udauda na tad loloniye, na thava nuwaewa mani.

**4** Ekelesiya gharandeviva le ñgoloko gharayakuyaku iye i njimbukiki wagiyawenji, na mbala le ñgangako thi lojweya ghaliniae na thi yavwatatawana.

**5** Kaiwae thongo ghimoru regha ma i njimbukiki wagiyaweya le ñgolo gharayakuyaku, ñgoronga ne i vakatha na iňa enge na i njimbukikiňgi na thovuye Loi le ekelesiya?

**6** Iye thava raloñwelonwaghathì togha, ne iwaenje i wovorevorenja ghamberegha amba Loi i lithiwe, ɳgoreiya va i lithi weya Seitan le nemo kaiwae.

**7** Ekelesiya gharandeviva ghathanavu mbe i thovuye na mbala thavala ma raloñwelonwaghathì thi yavwatatawana, kaiwae thongo ma ɳgoreiyako, ne i monjina wabwiko e maranji na i wona Seitan ele ghina tine iya i duraweko.

**8** Ekelesiya gharathalavu ghanjimbaro ɳgoreiyake: ghanjithanavu i thovuye, lenji renuwaŋa mbe reghaenje, thava vata lenji munumu, thava nuwanji weya mani,

**9** toto emunjoru iya Loi kaerova i woraŋgiyako thi loŋwaghathi, na thi vakatha ɳgoreiya le woraŋgiyako wenji.

**10** Ghanji thanavu na lenji kaiwo iviva wo hu thuwekaŋgi, na thongo kaero i thovuye, ko amba hu bigirawenji na thi kaiwo ekelesiya kaiwae.

**11** Tembe ɳgoreiyeva, lenji ovo ghanjithanavu mbe i thovuye, thava thi liliya utu, tembe ghanjimberegha thi dageteninji thanavu raithari e tine, na valikaiwae mbaŋake wolaghiye ra vareminjenji.

**12** Ekelesiya gharathalavu levo mbe eundaenje, na le ɳganga na le ɳgoloko gharayakuyaku i ndeviva wagiyawe wenji.

**13** Kaiwae thavala thi kaiwo wagiyawe ghanjiyawatata i laghiye wenjiya ghanjiuneko, na ma bigi regha ne i dageteninji valikaiwae weinji

lenji vurigheghe e lenji loñweghathì weya Krais Jisas.

<sup>14</sup> Nuwañguiya ya vamayaña na ya ghaona ya thuweñge. Ko nuwañguke nuwaiya mbema ya rori enge len leta,

<sup>15</sup> mbala thongo ya vuyowo, letake ma i vanuwoviringe la kururu na yawalinda ghanjimbunjimbukiki kaiwae, kaiwae ghinda Loi le wabwi, ghinda Loi e yawayawaliye le ekelesiya, ghinda toto emunjoruniye gharanjimbukiki.

<sup>16</sup> Ra wovaemunjoruña vavaghareke iya Loi va i worangiyake, ma valikaiwae raña ma i emunjoru, iyemañge mbema i emunjoru moli vara. Totoko emunjoru iyako inja ñgoreiyake:  
Iye va i yomara ñgoreiya lolo,  
ele thuweiruva Une Boboma i vaemunjoruña iye  
Loi Nariye,

nyao thovuthovuye thi thuwe,  
valivançgake wolaghiye thi loñweya utuniye,  
yambaneke tine lemoyo thi loñweghathì,  
iye kaerova i voro na mbe ina i yaku e buruburu.

## 4

### *Ravavaghare kwanikwan*

<sup>1</sup> Nyao Boboma kaero i utuvao weinda, mbañangike thiylake kaero thi gheneghenetha mbaña ele ghambako ghadidiye na gharighari vavana ne thi botewoyathu vavaghare emunjoru, na thi vandeñe nyao raraithari ghalinjanji na thi ghambugha vavaghare kwanikwan.

<sup>2</sup> Vavaghareko iyako i mena rakwan e lenji vavaghare kwanikwan tine, na ma thi goru weya iya lenji kwaniko iyako kaiwae.

<sup>3</sup> Thiye thi dageten thava ra ghe na thava ra ghana ghaniŋga vavana. Ko iyemaenje Loi va i vakathanŋgiya ghaniŋgako thiyako ghinda raloŋwelonŋweghathi na toto emunjoru gharaghareghare mbema ra ghaniŋgaenje, thongo iviva wo ra dage mwaewowe.

<sup>4</sup> Kaiwae bigibigike wolaghiye iya Loi va i vakathanŋgiye mbe thovuthovuya enge, na thava ra botewoyathunŋgi, ko valikaiwae ra mbaninŋgiya wolaghiyeko thonŋgo ra vata ago kaiwanji.

<sup>5</sup> Kaiwae kaerova i wovathovuthovuyenŋangi, na kaiwae ra vata ago kaiwanji.

### *Timoti iye Krais Jisas le rakakaiwo thovuye*

<sup>6</sup> Thonŋgo u vavagharenja bigibigike thiylake wenŋiya oghaghanda, ghen ŋgorana Krais Jisas le rakakaiwo thovuye. Tembe ŋgoreiyeva, u vavanjamweya unena e la lonŋweghathi ghaantuutu na ghavavaghare thovuye, vavaghareko iyako kaero u ghambu na u yakuwe.

<sup>7</sup> Thava len renuwarjana i wa wenŋiya rakwan lenji utu bwagabwaga, kaiwae utuutuko thiylako ma thi mena weya Loi na ma e uneune. Mbaŋake wolaghiye u mandomando ghanithanavuna i thovuye ŋgoreiya Loi le renuwarja.

<sup>8</sup> Ngoreiyake: thonŋgo mbaŋake wolaghiye ra mando valanja riwandake e mwadimwadiwo, mbe e ghathovuye. Ko thonŋgo thanavuko iya

Loi nuwaiyako ra mando valanja, ghathovuye i laghiye moli, kaiwae i thalavuinda e la yakuyaku e yambaneke na tembe ɳgoreiyeva mbaña i menamenako kaiwae.

**9** Utuutuke iyake emunjoru na valikaiwae ra loŋweghathi moli:

**10** “Weinda la gharematuwo kaero ra varem-inja Loi e yawyawaliye, iye kaero i vamoruinda thavala kaero ra loŋweghathi na tembe valikaiwaeva i vamorunjiya gharigharike wolaghiye.” Iyake la righe na ra rovurigheghe laghiye e kaiwoke iya ra vakavakatha.

**11** Bigibigi ɳgoranjiyako u vavurigheghe na u vavagharenja gharighari wengi.

**12** Kaiwae amba thegha vara ghen, thava u vakatha gharighari thi ghimaranjonjanjonjaŋe, ko u tabo enge na lenji ghamba thuwathuwa ghen, e len utuutu, e len vakatha, e len gharethovu, e len loŋweghathi na e ghanithanavu thovuye.

**13** U vatomweŋge na u vavaona Buk Boboma e lemi kururu tine, u vavagharenja na u vavaghare wengiya ekelesiya gheghad ne ya ghaona.

**14** Ghaliŋae gharautu vavana kaerova thi utuŋa Loi għaliŋae e ghemi ghen kaiwan, na ekelesiya ghagiyagiya kaerova thi bigiraweya niemanimanji e umbalin. Na e mbañako iyako Nyao Boboma i mwaewo e ghen na i giya għanibebe, na bebeko iyako thava u vagħeneja.

**15** U vatomweŋge na u kaiwoŋaŋgiya kaiwoko thiyan, na mbala għarigharike wolaghiye thi thuweja len kaiwona une.

**16** U njimbukikingiya len vakatha na len vavaghare, kaiwae thongo mbañake wolaghiye u vakatha ñgoreiyako, ghen na iya ghanunena thi vandenjenjena ne hu vaidiya vamoru.

## 5

### *Timoti ghathanavu weŋgiya ekelesiya*

**1** Thongo u vavathanavu weya amala regha, ghalinjana u li bode weiyē len yavwatata u vavurigheghe na iye ñgoreiya raman. Ghanithanavu weŋgiya ghimoghimoru tha tuyai, thiye ñgoranjiya oghaghanin̄gi.

**2** Ghanithanavu weŋgiya elaela thiye ñgoranjiya otinatina. Thava len renuwanya i thari weŋgiya gagamaina, ko iyemaenje ghanithanavu weŋgi thiye ñgora olounin̄gi.

### *Wambwiwambwi Utuninji*

**3** Wambwiwambwi ma e lenji bodaboda u thalavun̄gi.

**4** Ko thongo wambwi ele ñgaŋga o ele bodaboda, lenji loŋweghathina une iviva ve yomara e lenji njimbukikina e tine, kaiwae kaiwoke iyake Loi i warari kaiwae. Thi njimbukikiya wambwiko, na va le njimbukikiko weŋgi ghanjimbaña ñgama, thi vakatha thighiwe.

**5** Wambwi ma ele bodaboda na mbe ghambereghaen̄ge i yakuyaku, i vareminja Loi, gougo na ghararaghîye i naŋgonango weya Loi thalavu kaiwae.

**6** Ko thongo wambwi eunda tembe ghamberegha i vatomwe yambaneke ghawarari e tine, othembe e yawayawaliye, une kaero i mare.

**7** Wambwiwambwi na lenji bodaboda ghanjim-baroke iyake u utugiya wengi na thi ghambu, mbala gharighari ma thi vakatha ghanjiwonjowe regha.

**8** Ko thela thongo ma i njimbukikiŋgiya le bodaboda, thela ma i njimbukikiŋgiya le ŋgolo gharayakuyaku na ramae, iye kaero i roitete na i ndeghereiyewana Loi le kamwathi, na ghathanavuko raithari i laghiye kivwala gharighari ma thi loŋweghathi ghanjithanavu.

**9** The wambwiwambwi ekelesiya kaero i dagerawe na i thalavunji, u rorinjoja idanji. Mbe u rorinjoja enge vara wambwiko iyako thongo ghatheghathegha kaero i wo ghwewona na e vwatae, thongo va i ghe na le ghimoru mbe reghaenje,

**10** na thongo gharighari thi ghareghare le vakatha thi thovuye ŋgoranjiya: i njimbukiki wagiyaweya le ŋgaŋga, i vanjamwengiya bobwari, i kaiwo wengiya le valiraloŋwelouŋweghathi weiye le gharenja, thavala e ghanjivuyowo i thalavunji, na i rovurigheghe le vakathako wolaghiye i thovuye.

**11** Ko iyemaenje wanakau amba ma thi thanja na kaero thi wambwi, ne u ndembana idaidanji, ne iwaenje mbowo nuwanjiyava thi ghe.

**12** Ko amba thi vakowana lenji dagerawe weya Krais na thi vaidiya vuyowae.

**13** Tembe ŋgoreiyeva, ne iwaenje thi rob-wagabwaga na thi nja na thi vana e ŋgolongolo vavana. Na mbowo bigi reghava, ne iwaenje thi liliya utu na thi mbaro lawalawa, na thebigiya thava thi utuŋa kaero thi utuŋa.

**14** Iya kaiwae, lo renuwaŋa ŋgoreiye, wanakau amba ma thi thanja moli na thi wambwi, mbowo thi gheva, thi ghambi, mbala thi njimbukikingiya lenji ŋgolongolo, mbala ekelesiya ghinda ghandathighiyanji mane thi utuŋa utuninda.

**15** Ya utu ŋgoreiyako, kaiwae wambwi-wambwi vavana kaero thi ndeghereiyewana Jisas na thi ghambugha Seitan le kamwathi.

**16** Thongo wevo eunda iye raloŋwelonwegoŋhathī na le boda eunda i wambwi, elaghiniye i njimbukiki, na mbala thava i vakatha ekelesiya ghavuyowo, mbala mbe i njimbukikingi enge vara wambwiwambwi ma e lenji bodaboda.

### *Ekelesiya gharandeviva utuninji*

**17** Ekelesiya ghagiyagiya thiye thi rovurigheghe e vavaghare na e vavatomwe, na randevivako wolaghiye iya lenji kaiwona i thovuye, mbe e ghanjiyawwatata na hu valaghiyenja ghan-jithalavuna.

**18** Kaiwae Buk Boboma inja, “Mbaŋa hu vakaiwoŋa kau na i vuriwaravwara wit vari-variye na mbombouyeko thi dobudobu, thava hu ŋgarimbiya ghaeko, mbala mbe i ghana le kaiwoko modae.” Na Buk Boboma tembe injava, “Rakakaiwo valikaiwae e modamodae.”

**19** Thongo lolo regha i wonjowa randeviva regha, ne u ndewovatha le utuna, ko thongo gharighari thenjighewo o thenjigheto thi vaemu-njoruŋa, ko amba u wovatha lenji utuna.

**20** Randeviva thavala thi vakavakatha thari, u vathanavunji ekelesiyana e maranji, mbala ghanjiunena thi mararu na ma tene thi vakathava ηgoreiye.

**21** Loi e mara, Krais Jisas e mara, na le nyao thovuthovuye e maranji, ya vavurighegheŋge na u ghambunjiya mbaroke thiyanke. Len vakatha i mboromboro weŋgiya regha na regha, na thava u munjeva u mbaro vurigheghe weŋgiya vavana na vavana nandere.

**22** Thoŋgo len renuwaŋa ηgoreiye na lolo regha i tabo na ekelesiya gharandeviva, thava ne u vamayaŋa moli. I viva wo u tuthiya ghathanavuko, muyai amba u liraweya niman e umbaliye na u vaboboma Loi le kaiwo kaiwae. Thoŋgo ne u vamayaŋa na u tuthithavwiya ma ghimoru thovuye, ghen ηgorana ghimoruko iyako gharathalavu ele thariko. Thava u vakatha ηgoreiyako, ghanithanavuna wolaghiye mbe i thovuye vara.

**23** Kaiwae u ghambweghambwera thava mbe u mun enge mbwa kokowae, mbe u muna waen seiwo na i thalavugha ηgamoina.

**24** Gharighari vavana lenji thari le yomara i maya, iya kaiwae ra gharegharekaiya lenji thariko amba muyai kot. Ko vavana lenji thari i rothuwele, na muyai moli amba ra ghareghare.

**25** Tembe ηgoreiyeva, vakatha thovuthovuye ghanjighareghare i maya, na othembe vavana mbowo thi rothuwele, thiyanke tembene ra gharegharengiva. Iya kaiwae thava ne u vamayaŋa moli u tuthiya lolo regha na u worawe na iye randeviva.

**6***Rakakaiwo mbe thi yavwatata wanangiya ghanjigiyagiya*

<sup>1</sup> Rakakaiwobwaga thiye kaero thi lonjweghathi mbe thi yavwatata wanangiya ghanjigiyagiyako na thi kaiwo vurigheghe kaiwanji, na thava gharighari inanji eto thi liya ghanjiutu na thiha, "Wo hu thuwe, thiye Kristiyan, lenji Loi na lenji vavaghare ma bigi thovuye ɳgoreiye, kaiwae rakakaiwongiko ma thi yavwatata wanaŋgiya ghanjigiyagiyako."

<sup>2</sup> Rakakaiwobwaga thiye ghanjigiyagiyako kaero thi lonjweghathi, thava regha i renuwaŋa na inja, "Wo giyako mane ya yavwatatawana, kaiwae weya Jisas iye ghagħanġu na mboromboro ghime weingu." Thava i renuwaŋa ɳgoreiyako, mbema i kaiwo wagiyawe enge, kaiwae giyako iya i kaiwo kaiwaeko na giyako i vaidiya ghathovuye, iye ralonwelonjweghathi na iye valinimae. U vatomwe wengi na u vavurighegħenji ɳgoreiyako.

*Mani ghagharethovu utuniye*

<sup>3</sup> Gharighari vavana vavaghare mbe regha thi vavagharenja, na iyako ma ɳgoreiya ghanda Giya Jisas Krais le utu rumwarumwaruniye e tinenji, na thanavu thovuye ghavavaghare ma thi ghambu.

<sup>4</sup> Thiye thi nemo na ma e lenji ghareghare regħa, ko mbema nuwanjiya thi wogaithi na thi utu gaithi. Na lenji wogaithiko uneja

yamwakabu, thi gaithi, thi utuvathari weنجiya ghanjiune, thi wonjowe bwagabwaga,

<sup>5</sup> na thi thighiya wanangoiya ghanjiune. Thiye lenji renuwaņa ma i rumwaru na vavaghare emunjoru ma thi ghareghare. Thiye lenji renuwaņa thi munjeva thongo thi vavagharenja Loi utuniye, amba ne thi vwenyevwenye.

<sup>6</sup> Ko iyemaenje vwenyevwenye emunjoru ńgoreiyake. Thongo ghandathanavu i emunjoru weya Loi ambane mbaňake wolaghiye thebigeiya mbe inanziwe ra vaidiŋgi na ra warari kaiwanji, iyake vwenyevwenye moli.

<sup>7</sup> Ko iyemaenje mbaňa ra yomara e yambaneke kokowanda, na ne ra iteta yambaneke kokowanda.

<sup>8</sup> Iya kaiwae e ghanda na e ghandakwama, kaero valikaiwanda iyako. Mbowo ra tamweva budakai?

<sup>9</sup> Ko thavala nuwanjiko i ghangowa vwenyevwenye kaero thi vaidiya tanathetha na thi wona Seitan ele ghina tine. Thi baderja yambaneke bigibiginie na ghanjibadeko iyako kaiwae kaero thi vakowana yawalinji na yawalinji moli kaero i mare.

<sup>10</sup> Kaiwae mani ghagharethovu tharike wolaghiye righenji. Għandaune vavana nuwanjiya moliya mani, na kaero thi vurithavwiya loŋwegħathīha ghakamwathī, na thi vaidiŋgiya tharī lemoyo.

### *Timoti ghavavurighegħe*

<sup>11</sup> Timoti, għen kaero thi vabobomanje weya Loi, na thanavu ńgoranjiyako ne u

ndevakathaنجi, na u rovurighegheňa vakatha thovuye, thanavu thovuye, loňweghathī, gharethovu, għatajaghathī na thanavu i għenenja kaiwanji.

<sup>12</sup> Loňweghathī gaithiňiye u gaithi wagiyawewe. U rovurighegħe na u wo yawali moli, kaiwae kaerova Loi i kula e għen na i dagerawa yawaliko iyako, mbanjaniye vara u utu ja len loňwegħathina utuniye għarighari lemoyo e maranji.

<sup>13</sup> Loi bigibigike wolagħiye yawalinji rigħe, na Krais Jisas iye iyava Pontiyas Pailat e marae na i utu ja wagiyaweya le loňwegħathiko utuniye, e maranji ya vavurighegħenje,

<sup>14</sup> Loi le mbaro kaiwan u vamboromboroňa wagiyawe na thava għarighar ne thi vaidiya ghaniwonjowe regħha għegħad għanda Giya Jisas Krais ne le njogħama.

<sup>15</sup> Ko iyemaenje le njogħama ghambanja Loi i mbaroňa. Loi iye ghamberegha Rambarombaro na valikaiwae moli ra tarawenja, iye kinj lenji kinj na giyagiya għanjjigħi,

<sup>16</sup> iye ghambereghaenje yawaliye mane iko, iye i yaku e manjamanjala marambwelamb-welawae na ma regħha valikaiwae ne i wa e għamwae, iye għarighar e yambaneke ma thi thuwa. Iye i vurighegħe na ra yavwatatawana mbañake wolagħiye, ma ele ghambako. Mb-wana. Ngoreiye.

<sup>17</sup> Għarighar thi vwenyevwenye e yambaneke bigibiginie, u vavurighegħenji na thava thi nemo na thava thi vareminja lenji bigibigina

na thi munjeva ne i thalavunji, kaiwae ma ra ghareghare ne thembaña bigibigiko thiako ne thi ko. Ko u dage wenji enge na thi vareminja Loi ghamberegha, kaiwae iye ragiya emunjoru na i giya bigibigike wolaghiye weinda ghandaghevawarari.

**18** U vavurighhegħenji na thi vwenyevwenye e thalavu thovuye, lenji vakatha i thovuye, na lenji giya weiye lenji gharevatomwe.

**19** Thongo thi vakatha ɳgoreiyako, thiye ɳgoranjiya bigibigi mane thiko na thi mbanimbanivatha mbaña muyaiko kaiwae, na ne thi vaidiya yawali iya emunjoruko moli.

**20** Timoti, kaiwoko iya Loi i woveñgena u njimbukiki wagiyawe. Għarighari vavana thi kwan, thiñjava, “Għime e lama ghareghare”, ko iyemaenje mbe utu bwagabwagaenje iya thi utuñana na kamwathī emunjoru kaero thi wovatharitħarinja. Vavaghare ɳgoreiyako u ndegħereiyyewana,

**21** kaiwae għandaune vavana kaero thi wo vavaghareko iyako na lonwiegħathī ghakamwathī thi vuriitete.

Loi ghare wenja.

**Toto Thovuye Loi Ghaliŋae  
Portions of the Holy Bible in the Sudest language of  
Papua New Guinea  
Buk Baibel long tok ples Sudest long Niugini**

copyright © 2014 Wycliffe Bible Translators, Inc.

Language: Sudest

Dialect: Tagula

Translation by: Wycliffe Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-09-23

---

PDF generated using Haiola and XeLaTeX on 28 Dec 2024 from source files dated 31 Aug 2023

7a63d67b-b890-5db0-8880-b6fd64f3b62f